

JAMHURI YA MUUNGANO WA TANZANIA
BARAZA LA MITIHANI LA TANZANIA
MTIHANI WA UALIMU DARAJA LA A

650

HAIBA NA MICHEZO

Muda: Saa 3.

Mwaka : 2014

MAELEKEZO.

1. Karatasi hii ina sehemu **A** na **B** zenye jumla ya maswali **kumi na sita (16)**
2. Jibu maswali **yote** katika sehemu **A** na maswali **manne (4)** kutoka sehemu **B**.
3. Sehemu **A** ina alama **arobaini (40)** na sehemu **B** ina alama **sitini (60)**.
4. Vifaa vya mawasiliano na vitu vyote visivyoruhusiwa **havitakiwi** ndani ya chumba cha mtihani.
5. Andika **namba yako ya mtihani** katika kila ukurasa wa kijitabu chako cha kujibia.

maktaba.tetea.org



SEHEMU A (Alama 40)

Jibu maswali yote katika sehemu hii

1. Mkurugenzi wa elimu amesisitiza kuwa tathmini inapaswa kufanywa hata kwa michezo midogo midogo ya darasani. Eleza hoja nne za kuthibitisha umuhimu wa tathmini hiyo ndogo.
2. Wakati wa mafunzo kazini, walimu waliulizwa kuhusu maandiko ya malengo ya somo, lakini wengi walishindwa kuyaandika kwa usahihi. Eleza sifa nne zinazobainisha lengo mahsusi bora.
3. Baadhi ya viongozi wa shule wanahoji mchango wa michezo katika kupunguza utoro wa wanafunzi. Eleza hoja nne zitakazothibitisha nafasi ya michezo katika kupunguza utoro shuleni.
4. Walimu wapya mara nyingi huona maandalizi ya mwalimu kuwa ni mzigo. Fafanua hoja nne zitakazothibitisha umuhimu wa maandalizi hayo kwa mwalimu wa Haiba na Michezo.
5. Katika mahojiano ya redio kuhusu elimu ya michezo, ulitakiwa kueleza kwa nini vitabu vya ziada ni muhimu kwa wanafunzi. Toa hoja nne.
6. Mwalimu anaweza kubaini matatizo ya kitabia ya wanafunzi kupitia ushiriki wao katika michezo. Eleza viashiria vinne vinavyoweza kuonyesha mwanafunzi ana matatizo hayo.
7. Wakati wa mafunzo ya ualimu, baadhi ya walimu wanashindwa kutengeneza zana bora kutokana na ukosefu wa stadi muhimu. Eleza stadi nne zinazohitajika ili kufaragua zana bora.
8. Katika mazoezi ya uwanjani, usalama wa wanafunzi unapaswa kupewa kipaumbele. Eleza mambo manne mwalimu anapaswa kuzingatia ili kuhakikisha usalama huo.
9. Mwalimu alitakiwa kuandaa Azimio la Kazi kwa muhula ujao lakini alikosa zana muhimu. Eleza zana nne zinazohitajika na matumizi yake.
10. Wizara ya Elimu imepanga kukagua vitabu vinavyotumika shuleni. Eleza vigezo vinne vya kuchunguza kabla ya kuidhinisha kitabu cha Haiba na Michezo.

SEHEMU B (Alama 60)

Jibu maswali manne (4) kutoka sehemu hii

11. “Mwalimu mwenye uzoefu hahitaji muhtasari kufanikisha somo.” Kwa kutumia hoja tano, eleza kwa nini kauli hii si sahihi.
12. Eleza mambo matano yanayoweza kuathiri mwenendo wa kijamii wa wanafunzi kupitia michezo shuleni.
13. Katika mazoezi ya michezo, ajali ndogo zinaweza kutokea mara kwa mara. Eleza njia tano mwalimu anazoweza kutumia kuzuia ajali hizo.
14. Andalio la somo lina vipengele vinavyomsaidia mwalimu kufanikisha ufundishaji. Eleza namna vipengele vitano hivyo vinavyotumika.
15. Azimio la Kazi huchangia sana kuandaa andalio bora. Changanua vipengele vitano vya Azimio la Kazi na nafasi yake kwa maandalizi ya mwalimu.
16. Rejesta ya darasa ni kumbukumbu muhimu kwa mwalimu wa Haiba na Michezo. Kwa kutumia hoja tano, eleza umuhimu wake katika mchakato wa ufundishaji na ujifunzaji.